

# **BEYTA NISRA**

**Belavkirin : Bedel feqîr Hecî**

---

**Nisra keça mîr mewlaye  
Xatûneke pîr hêjaye  
Xo li hîvîya surrê hêlaye .....**

**Nisra xatûneke pîr delale  
Kire hesabê hezar sale  
Axret ji xiwera kire rastemal ,  
go : ev dinya puçe betale.....**

**Mîr mewla xudanê dewletê  
Nisra fikirî li hikûmetê  
go: surrek dê dahir bit li rûyê vê ometê.....**

**Nisra go ev dinya tuneye  
Surek dê dahir bit wextê meye  
Xoşya hingî heqê meye .....**

**Nisra bandiket milyaketa  
Keyfa vê dinyayê li min xoş neke  
Behişt heye bê şike .....**

**Bejin û bala wê ça şirîne  
Peyva wê ji mêzîne  
Dîtina wê têrbûn nîne .....**

**Nisra go: çi subeyek ji yêt xewleye  
Min dît derwêşek hate mala meye  
Go : Nisra van erkana ber nede ,  
Êzîd dê dahir bit li wextê teye .....**

**Nisra bi kesîra ne dida cewabe  
Dak u baba da cewabe  
Go : ocaxa me betal nabe .....**

**Nisra cewab daye  
Sultanek dê dahir bit pirr reng daye  
Ne sed xozika wî rêya xo berdaye .....**

**Nisra wa didet cewaba  
Guh nedene birînan u daxa  
Behişt heye bîstan u baxa .....**

**Nisra go halê me ji halê we xoştire  
Bedîla nehsed tev agire  
Xozka ruha hingî bibe sere .....**

**Nisra xatuneke şemsaniye  
Kevokeka nû ferxîye  
Kulîlkeke nû bijkiwîye .....**

**Rengê wê ji kasêye  
Peyva wê ji mêzînêye  
Aqilê wê ji qudretêye .....**

**Nisra go heqe hûn bi sebirin  
şev û roja bi fikirin  
Xam û enkar bi xo di demirin .....**

**Nisra go şîreta neken bi belaşî  
Heke xiwace hatin vekirin derê qûmaşî  
Xam û enkar dê mînin li paşî .....**

**Nisra go şîreta neken bi nezani  
Xo xelas bi ken ji vî zemanî  
Ezim fedawîya wî sultanî .....**

**Ew sultanê em çêkirîn  
Berî Adem dahir kirîn**

**Kî dizanit çawa em dayin ,  
çawa em birîn .....**

**Ew Ademê me dîtîye  
Hêvênê me yî batinîye  
Eslê me yî fedawîye .....**

**Ew kî bu piştî Adem axî bû  
Bi şola Xudê ney razî bû  
Hêvênê me ji behra sipî bû .....**

**Wextê me dît pêla veda  
Av xewidî mewca li meda  
Sebra me têt bi kanîyêt zelal .....**

**Kanîyêt zelal bi sitirînin  
Avêt xewidî tam tê nînin  
Heke tavê da wê çikînin .....**

**Ji malê heram ne hesidin  
Destêt wan wekî agirin  
Birînêt wan ji yêt we kurtirin .....**

**Birînêt wan derman nabin  
Ev dinya dê jê rabin  
Dê di hebsêt tarîda hindabin .....**

**Ez çî bikem ez ne mêmrim  
Ez hevalêt xo di hijmêmrim  
Da bi fehim u aqil bi fikirim .....**

**Ez li hatinê fikirîm  
Li ser hevalêt xo di girîm  
Bedîl bihorîn û betilîn .....**

**Hevalêt min horîyêt delal  
Runîştin li ser kanîyêt zelal  
Wê di îsîyên weke find û şemal .....**

**Xozî ez mêrek bame bi dil û ceger  
Min helgirtiba şîr û xencer  
Da ez bame fedawîyê dura zer .....**

**Xozî ez mêrek bame ney ticare  
Ne bi zêr û mal ney beqale  
Da min kuştibane qetil helale .....**

**Xozî ez derwêşek bame yî xilmet kare  
Da min ebadet kiriba li hedê sala  
Da gehîştibame wan hevala .....**

**Xozî ez mêrek bame yî ciwamêr  
Xudê malek daba min têr  
Da min hevalêt xo kirrîbane bi mal û zêr**

.....

**Ez biqurbanîya wî heyranî  
Dil û gelba min di zanî  
Da em runêyin li dîwana wî sultanî .....**

**Ew sultane yî mezine  
Hukim û hekamet da destê dujmine  
Ew dizanit kî fedawîye û kî êmine .....**

**Ewan di got sultan Êzîd nayê  
Sen'et çêkir agir dayê  
Cimhûrîye û palek dayê .....**

**Kerem rakir  
Sin'et karkir  
Çûyê ji me bawer naken ,  
Dora weye xo xelas ken .....**

**Heke tû êkî dibînî  
Hola te ye tû jê helînî  
Li meyla dinê pê ne hesînî .....**

**Piris ne ke li hemû kese  
Heke yî aşiqe ji xora bese  
Heke yî fedawîye dê li te pirse .....**

**Heke tu aşiqî bi sebire  
Bi şev û roj bi fekiye  
Xam û enkar bi xo di demire .....**

**Li hemlê îmanê rabin  
Ji xam û enkara cudabin  
Hincîyê xiwarî dê cezabin.....**

**Heke êkî divêt te bişkênîne  
Tû xilmeta şêşimis dikey xo me tirsîne  
Bela di zavin şêşimis dê jêra îne .....**

**Bela dizavin şêşimis dê li wan kar ket  
Navê wan dê dinav kuştîya ket  
Agir heye dê li wan bela ket .....**

**Ewan di vêt vî agirî bi temînin  
Li ba hev runên da bi tefînin  
Emrê jore na tefînin .....**

**Agir hilbû kefte şerqê  
Pêt bilind bû kefte xerbê  
Telpê fexir hate herbê .....**

**Hindek hene xudan xofa ji xora di kene ber bere  
Ew nikarin serê xo rakin ji ber bê bexit û  
nebû kere**

**Ew di bê behrin li herdû sere .....**

**Gelek hene xo xurt diken  
Ew nikarin eşîret û mileta qan' biken  
Ew bira û bira ji hev diken .....**

**Gelek hene xo di kene axa  
Di bê sîqalin na meşin saxe  
Herba giran dê li wan rabe .....**

**Xozî bihata ew dem û ew hîwan  
Heqî û rastî dê ba tamam  
Temamtîya vî qewlî li navê şeşimis û xudan**

.....

---

Ev beyte min dubare bi şewekî rêk û pêk û serrastkirî lişeva 1/2 /2005 li gundê Ba'edrê ji cem ruhanîyê Êzîdîya pêşîmamê şerfedîn ( Nu'man Elyas ) daye nivîsîn , hejîye bêjîn ku berî hingî bi du roja ewî bi destxeta xo ji minra li gel berêz kak Hesen Êsîyanî şandibû , supasîya wan dikem.

